



Broj: 07-05-15-33158/23
Sarajevo, 17.07.2023. godine

Na osnovu člana 12. tačka h) Zakona o poticaju razvoja male privrede ("Službene novine Kantona Sarajevo", broj 29/15), Zakona o izvršenju Budžeta Kantona Sarajevo za 2023. godinu ("Službene novine Kantona Sarajevo", broj 15/23), člana 4., 16., 25. i 42. Zakona o mladima Federacije Bosne i Hercegovine ("Službene novine Federacije BiH", broj 36/10) i člana 4. stav (1) i (2) Pravilnika o postupcima u provođenju programa razvoja male privrede ("Službene novine Kantona Sarajevo", broj 20/21 i 25/23), a u skladu sa Odlukom Vlade Kantona Sarajevo, broj: 02-04-54803-18/23 od 01.06.2023. godine o usvajanju Godišnjeg plana provođenja Programa razvoja male privrede za 2023. godinu i Odlukom o usvajanju Programa utroška sredstava "Poticaj razvoju male privrede" za 2023. godinu, broj: 07-05-15-26785/23 od 09.06.2023. godine, Ministarstvo privrede Kantona Sarajevo objavljuje

JAVNIPOZIV
za podnošenje prijava za Program:
"Podrška mladima za pokretanje start up poslovnih subjekata"

Cilj i namjena Programa

Cilj ovog Programa je probuditi preduzetnički duh među mladim ljudima, motivisati kreativne mlade pojedince s inovativnim i provedivim poslovnim idejama za pokretanje vlastitog biznisa i jačanje poduzetničke kompetencije mladih osoba u Kantonu Sarajevo. Programom je planirano da se za cca 50 mladih nezaposlenih osoba pruži podrška i finansijski poticaj za pokretanje vlastitog start up poslovnog subjekta u skladu sa prihvaćenim biznis planom usklađenim sa ekonomskim standardima, te se istim postiže smanjenje stope nezaposlenosti ove kategorije stanovništva u Kantonu Sarajevo.

Pravo učešća (Korisnici programa)

U skladu sa članom 12. tačka h) Zakona o poticaju razvoja male privrede ("Službene novine Kantona Sarajevo", broj 29/15) (u daljnjem tekstu: Zakon) i člana 4., 16., 25. i 42. Zakona o mladima Federacije Bosne i Hercegovine ("Službene novine Federacije BiH", broj 36/10) (u daljnjem tekstu: Zakon o mladima) i na osnovu Strategije prema mladima, pravo učešća na ovom Javnom pozivu imaju punoljetna fizička lica koja pripadaju kategoriji mladih ljudi u skladu sa članom 4. i 42. Zakona o mladima (18-35 godina u trenutku objave Obavještenja o ovom Javnom pozivu u "Službenim novinama Kantona Sarajevo") i koji su prijavljeni na Evidenciji Javne ustanove "Služba za zapošljavanje Kantona Sarajevo", Sarajevo, a koja fizička lica imaju kvalitetnu poslovnu ideju za samozapošljavanje i pokretanje start up poslovnog subjekta razrađenu kroz biznis plan urađen prema ekonomskim standardima.

Iznos i način isplate poticajnih sredstava

Ukupan iznos planiranih sredstava za provođenje svih aktivnosti po ovom Programu je 1.000.000,00 KM budžetskih sredstava. Ovim programom predviđena je poticajna grant podrška po korisniku sredstava koja se u ovisnosti od ocjene prihvaćenog biznis plana, dodjeljuje u maksimalnom iznosu do 21.600,00 KM. Korisnik sredstava ima obavezu da posluje minimalno



jednu godinu, počev od dana njegove registracije, a u tom periodu mu nije dozvoljeno otuđenje osnovnih sredstava. Po ovom Javnom pozivu dozvoljeno je podnijeti samo jednu prijavu.

Prihvatljivi troškovi

1. Troškovi registracije poslovnog subjekta u iznosu do 500,00 KM uz odgovarajuće račune sa fiskalnim računom (npr. troškovi taksi, advokatske usluge, troškovi kopiranja i ovjeravanja dokumenata, izrada pečata i sl.) i računovodstvene usluge;
2. Troškovi nabavke mašina, alata i ostale opreme neophodne za obavljanje osnovne registrirane djelatnosti (npr. nabavka fiskalne kase, nabavka potrebne opreme, sirovina, repromaterijala i mašina za proizvodnju, IT opreme, softvera i sl.) uz odgovarajuće račune sa fiskalnim računom;
3. Troškovi zakupa i/ili uređenja poslovnog prostora koji je od stambenog dijela fizički odvojen i ukoliko je izvođač odnosnih radova uređenja poslovni subjekt registriran za obavljanje tih radova uz odgovarajuće račune sa fiskalnim računom.
4. Troškovi plaće i/ili obaveznih doprinosa, kao osnovnih instrumenata za finansiranje obaveznog: penzijskog i invalidskog osiguranja, zdravstvenog osiguranja i osiguranja od nezaposlenosti (u daljnjem tekstu: doprinosi) u iznosu do 3.600,00 KM, isključivo za odabranog podnosioca prijave po ovom Javnom pozivu.
5. Troškovi marketinga.

Neprihvatljivi troškovi

1. Osnivački kapital ukoliko je predviđeno osnivanje pravnog lica (d.o.o.);
2. Plaće i doprinosi na plaće u iznosu većem od 3.600,00 KM i za lica koja nisu odabrani podnosioci prijave po ovom Javnom pozivu;
3. Nabavka opreme i mašina od lica koja nisu registrovani poslovni subjekti, kao i nabavka opreme i mašina starijih od pet godina;
4. Vanjski građevinski radovi i kupovina/najam osobnih vozila;
5. Nadoknade za projektne partnere koji su angažirani na implementaciji aktivnosti;
6. Dugovanja i rezerve za gubitke;
7. Dugovanja po kamati;
8. Troškovi režija i održavanja (voda, struja, grijanje, komunalni otpad, telekomunikacije, upravljanje zgradom, internet i sl.);
9. Kupovina, obnova, rekonstrukcija, modernizacija objekata za ličnu upotrebu;
10. Kupovina, obnova, rekonstrukcija, modernizacija objekata za najam ili prodaju;
11. Doprinosi za dobrovoljna zdravstvena ili mirovinska osiguranja koji nisu obavezna prema zakonodavstvu;
12. Kazne i troškovi sudskog spora;
13. Bankovni troškovi za otvaranje i vođenje računa, naknade za finansijske transfere i drugi troškovi u potpunosti finansijske prirode uključujući i troškove računovodstvenih usluga;
14. Kamate;
15. Trošak police osiguranja imovine (uključuje i imovinu nabavljenu iz projekta);
16. Studijske posjete i troškovi reprezentacije;
17. Troškovi po osnovu kojih je ostvareno finansiranje u sklopu nekog drugog projekta;
18. Kupovina i iznajmljivanje zemljišta i postojećih zgrada;
19. Troškovi konverzije, nadoknada ili gubici prilikom konverzije valuta;
20. Kreditiranje trećih osoba; i
21. Ostali troškovi nespomenuti kao prihvatljivi i ostali troškovi koji nisu relevantni za implementaciju biznis plana.



Napomene:

Bespovratna sredstva mogu se koristiti samo za one prihvatljive troškove koji su nastali u ime i za račun poslovnog subjekta u stopostotnom vlasništvu odabranog podnosioca prijave nakon objave Obavještenja o ovom Javnom pozivu u "Službenim novinama Kantona Sarajevo".

Korisnik poticajnih grant sredstava ima obavezu da po izvršenoj dodjeli sredstava u roku od 6 (šest) mjeseci dostavi dokaze o izvedenim radovima i utrošenim sredstvima za koje su odobrena sredstva po prihvaćenom biznis planu, odnosno ugovore i/ili račune kojima se dokazuje namjensko korištenje sredstava i dokaze o plaćanju dostavljenih računa (izvod iz banke), te po mogućnosti fotodokumentaciju mašina, postrojenja, opreme koja je nabavljena i prostora koji je uređen.

Uslovi i kriteriji za izbor korisnika

Podnosioci prijave moraju ispunjavati sljedeće uslove kako bi njihove prijave bile uzete u razmatranje:

- da imaju prebivalište na području Kantona Sarajevo;
- da imaju namjeru da se bave vlastitim biznisom i da su spremni registrovati poslovni subjekt u svom stopostotnom vlasništvu u slučaju da budu odabrani podnosioci prijave;
- da dostave biznis plan izrađen prema ekonomskim standardima, a koji biznis plan treba da predstavlja rezultat procesa uobličavanja i razvijanja kvalitetne poslovne ideje i koji obavezno treba da uključuje: ukupna sredstva za realizaciju poslovne ideje, sopstvena uložena sredstva za realizaciju poslovne ideje i poticajna grant sredstva koja podnosilac prijave traži za realizaciju poslovne ideje, s tim da u biznis planu aplikanti ne smiju predvidjeti korištenje poticajnih grant sredstava za neprihvatljive troškove, te moraju predvidjeti vlastito učešće od minimalno 5% ukupne vrijednosti odobrenih poticajnih grant sredstava iz ovog Programa;
- da njihova poslovna ideja (uobličena i razvijena u biznis planu) jeste aktivnost koja se može identificirati i registrovati kao osnovna djelatnost start up poslovnog subjekta prema klasifikaciji djelatnosti KD BiH 2010 ("Službeni glasnik BiH", broj 47/10), kako slijedi:
 - Područje C** - Prerađivačka industrija, šifre djelatnosti: (10.11-10.92), 11.07, (13.10-18.20), (20.11-25.30) i (25.50-33.20);
 - Područje E** - Opskrba vodom; uklanjanje otpadnih voda, gospodarenje otpadom te sanacije okoliša, šifre djelatnosti: 38.11, 38.12, 38.21, 38.22, 38.31 i 38.32;
 - Područje F** - Građevinarstvo, šifre djelatnosti: (41.10-43.99);
 - Područje G** - Trgovina na veliko i na malo; Popravak motornih vozila i motocikala, šifra djelatnosti: 45.20;
 - Područje H** - Prevoz i skladištenje, šifre djelatnosti: 52.10, 52.21, 52.23, 52.24, 52.29, 49.31, 49.39, 49.41 i 49.42;
 - Područje I** - Djelatnosti pružanja smještaja te pripreme i usluživanja hrane, šifre djelatnosti: (55.10-56.29);
 - Područje J** - Informacije i komunikacije, šifre djelatnosti: (58.11-63.99);
 - Područje M** - Stručne, znanstvene i tehničke djelatnosti, šifre djelatnosti: (69.10-75.00)
 - Područje N** - Administrativne i pomoćne uslužne djelatnosti, šifre djelatnosti: (79.11 - 79.90), (81.21-81.29), 82.11 i 82.20;
 - Područje P** - Obrazovanje, šifre djelatnosti: 85.10 i (85.51-85.60);
 - Područje Q** - Djelatnosti zdravstvene zaštite i socijalne skrbi, šifre djelatnosti: (86.21-88.99); i
 - Područje S** - Ostale uslužne djelatnosti, šifre djelatnosti: (95.11-96.04).
- da su punoljetni i da nisu stariji od 35 godina u momentu objave Obavještenja o ovom Javnom pozivu u "Službenim novinama Kantona Sarajevo";
- da do dana objave ovog Javnog poziva za sve aktivnosti koje su naveli u biznis planu, odnosno za aktivnosti za koje su podnijeli prijavu za dodjelu grant sredstava nisu koristili



poticajna sredstva koja potiču iz Budžeta Kantona Sarajevo i/ili budžeta jedinica lokalnih samouprava, javne ustanove "Služba za zapošljavanje Kantona Sarajevo" Sarajevo, Federalnog zavoda za zapošljavanje ili donatorskih organizacija, odnosno da za traženi predmet poticanja nisu zaključili ugovore o dodjeli grant sredstava koja potiču iz prednje navedenih izvora;

- da su spremni osigurati vlastito sufinansiranje od minimalno 5% od ukupne vrijednosti odobrenih poticajnih grant sredstava iz ovog Programa;
- da su dostavili ispravno popunjen prijavni obrazac (Prilog 1), zajedno sa biznis planom potpisanim od strane podnosioca prijave, koji mora zadovoljavati minimalni propisani sadržaj biznis plana, a koji se minimalni propisani sadržaj biznis plana nalazi u Prilogu 2 ovog Javnog poziva i čini njegov sastavni dio.

Kriteriji: Na podnosiocima prijave koji zadovolje sve uslove ovog Javnog poziva bit će primijenjeni kriteriji za rangiranje - ocjena kvaliteta i tržišnog potencijala odnosno biznis plana. Maksimalan broj bodova je 100 bodova. Podnosioci prijave koji ne ostvare više od 50 bodova ne mogu ući u dalju proceduru dodjele sredstava po ovom Programu. Po ovom Programu može biti odabrano najviše 50 podnosioca prijave.

Za ocjenu kvaliteta i tržišnog potencijala biznis plana podnosioca prijave koristit će se kriteriji prikazani u Tabeli 1. ovog Javnog poziva.

Tabeka 1. Kriteriji za ocjenu kvaliteta i tržišnog potencijala biznis plana podnosioca prijave

I Kriteriji za ocjenjivanje kvaliteta biznis plana	
Naziv kriterija	Broj bodova
Istraživanje tržišta	0-10
Marketing plan	0-8
Plan pružanja usluga/proizvodnje	0-14
Plan organizacije i menadžmenta	0-8
Finansijski plan	0-10
II Kriteriji za ocjenjivanje doprinosa biznis plana lokalnoj ekonomiji	
Inovativnost	0-10
Ocjena održivosti	0-22
Mogućnost kreiranja novih radnih mjesta	1 radno mjesto – 4 boda
	2 i više radnih mjesta - 6 bodova
Mogućnost izvoza	0-5
Mogućnost upošljavanja lokalnih dobavljača	0-7
Maksimalan broj bodova	100

Odabrani podnosioci prijave prije zaključivanja ugovora o dodjeli grant sredstava imaju obavezu registracije poslovnog subjekta u njihovom stopostotnom vlasništvu, a nakon što isti dostave cjelokupnu dokumentaciju potrebnu za zaključivanje ugovora o dodjeli poticajnih grant sredstava utvrđenu ovim javnim pozivom, Ministarstvo privrede Kantona Sarajevo će sa tim poslovnim subjektima zaključiti ugovore. Ugovorom o dodjeli poticajnih grant sredstava definisat će se svi detalji i pravila korištenja predmetnih poticajnih grant sredstava (prava i obaveze ugovornih strana). Također, poslovni subjekti u stopostotnom vlasništvu odabranih podnosioca prijave će moći zaključiti ugovor o dodjeli poticajnih grant sredstava, samo u slučaju da do dana zaključivanja predmetnog ugovora odabrani podnosioci prijave ili poslovni subjekti (kao korisnici sredstava) u njihovom stopostotnom vlasništvu nisu koristili poticajna sredstva koja potiču iz



Adresa: Reisa Džemaludina Čauševića 1, 71 000 Sarajevo
 Tel: + 387 (0) 33 562-122, Fax: + 387 (0) 33 562-226
 Web: <http://mp.ks.gov.ba>, E-mail: mp@mp.ks.gov.ba

Budžeta Kantona Sarajevo i/ili budžeta jedinica lokalnih samouprava, javne ustanove "Služba za zapošljavanje Kantona Sarajevo", Sarajevo, Federalnog zavoda za zapošljavanje ili donatorskih organizacija za iste aktivnosti za koje su podnijeli aplikaciju za dodjelu grant sredstava, odnosno da nisu zaključili ugovore o dodjeli grant sredstava koja potiču iz prednje navedenih izvora.

Potrebna dokumentacija za podnošenje prijave na Javni poziv

I Dokumentacija koju dostavljaju podnosioci prijave prilikom apliciranja na Javni poziv

Podnosioci prijave su dužni dostaviti sljedeću dokumentaciju:

1. Uredno ispunjen i potpisan Prijavni obrazac čiji je sadržaj propisan Prilogom 1 ovog Javnog poziva, u originalu;
1. Biznis plan potpisan od strane podnosioca prijave, u originalu, sačinjen u skladu sa sadržajem koji je propisan u Prilogu 2 ovog Javnog poziva, izrađen prema ekonomskim standardima, a koji biznis plan treba da predstavlja rezultat procesa uobličenja i razvijanja kvalitetne poslovne ideje i koji obavezno treba da uključuje: ukupna sredstva za realizaciju poslovne ideje, vlastita uložena sredstva i njihova namjena za realizaciju određenih aktivnosti iz biznis plana i poticajna grant sredstva iz budžeta Kantona Sarajevo i njihova namjena koja podnosilac prijave traži za realizaciju poslovne ideje. U biznis planu podnosioci prijave ne smiju predvidjeti korištenje poticajnih grant sredstava za neprihvatljive troškove, te moraju predvidjeti vlastito učešće od minimalno 5% ukupne vrijednosti poticajnih grant sredstava navedene u biznis planu;
2. CIPS prijavu mjesta boravka ne stariju od 15 dana od dana objave Obavještenja o ovom Javnom pozivu u "Službenim novinama Kantona Sarajevo", u originalu ili fotokopiji koja je ovjerena od nadležnog organa (općina ili notarski ured);
3. Potpisanu izjavu čiji je sadržaj propisan Prilogom 3 ovog Javnog poziva, u originalu ili fotokopiji koja je ovjerena od nadležnog organa (općina ili notarski ured);
4. Potpisanu izjavu čiji je sadržaj propisan Prilogom 4 ovog Javnog poziva, u originalu ili fotokopiji koja je ovjerena od nadležnog organa (općina ili notarski ured); i
5. Uvjerenje kojim podnosilac prijave dokazuje da se nalazi na Evidenciji Javne ustanove "Služba za zapošljavanje Kantona Sarajevo", Sarajevo, ne starije od dana objave Obavještenja o ovom Javnom pozivu u "Službenim novinama Kantona Sarajevo", izdato od strane Javne ustanove "Služba za zapošljavanje Kantona Sarajevo", Sarajevo, u originalu.

II Dokumentacija koju dostavljaju odabrani podnosioci prijave prije zaključivanja ugovora o dodjeli poticajnih grant sredstava

Odabrani podnosioci prijave bit će dužni prije zaključivanja ugovora o dodjeli poticajnih grant sredstava dostaviti, Ministarstvu privrede Kantona Sarajevo (ulica Reisa Džemaludina Čauševića broj 1, 71000 Sarajevo), sljedeću dokumentaciju:

1. Potpisanu izjavu čiji je sadržaj propisan Prilogom 5 ovog Javnog poziva, u originalu, ili fotokopiji koja je ovjerena od nadležnog organa (općina ili notarski ured);
1. Rješenje o registraciji poslovnog subjekta u stopostotnom vlasništvu odabranog podnosioca prijave, izdato od strane nadležnog organa, u fotokopiji ovjerenj od nadležnog organa (općina ili notarski ured);
2. Uvjerenje o registraciji poreznog obveznika (poslovnog subjekta u stopostotnom vlasništvu odabranog podnosioca prijave), izdato od strane Porezne uprave Federacije BiH - Kantonalni porezni ured Sarajevo, u fotokopiji koja je ovjerena od nadležnog organa (općina ili notarski ured);



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

3. Obavještenje o razvrstavanju poslovnog subjekta u stopostotnom vlasništvu odabranog podnosioca prijave prema klasifikaciji djelatnosti, izdato od strane Federalnog zavoda za statistiku Sarajevo - Služba za statistiku za područje Kantona Sarajevo, u fotokopiji koja je ovjerena od nadležnog organa (općina ili notarski ured);
4. Ugovor o transakcijskom računu, zaključen između poslovne banke i poslovnog subjekta u stopostotnom vlasništvu odabranog podnosioca prijave, u ovjerenoj fotokopiji;
5. Obrazac JS 3100 (prijava osiguranja odabranog podnosioca prijave zaposlenog u poslovnom subjektu, kao korisniku sredstava, koji je u njegovom stopostotnom vlasništvu), izdat od Porezne uprave Federacije BiH – Kantonalni porezni ured Sarajevo, u fotokopiji koja je ovjerena od nadležnog organa (općina ili notarski ured);
6. Potpisanu i pečatom ovjerenu izjavu čiji je sadržaj propisan Prilogom 6 ovog Javnog poziva, u originalu, te nakon toga i ovjerenu od nadležnog organa (općina ili notarski ured);
7. Potpisanu i pečatom ovjerenu izjavu čiji je sadržaj propisan Prilogom 7 ovog Javnog poziva, u originalu, te nakon toga i ovjerenu od nadležnog organa (općina ili notarski ured);
8. Bjanko ovjerenu mjenicu i odgovarajuću mjeničnu izjavu sa sadržajem mjenične izjave propisanim Prilogom 8 ovog Javnog poziva, u originalima.

Posebne napomene:

- Odabrani podnosioci prijave obavezno dostavljaju izjavu kojom pod punom moralnom, materijalnom i krivičnom odgovornošću tvrde da do dana zaključenja ugovora o dodjeli poticajnih sredstava po ovom Javnom pozivu, za sve aktivnosti koje su naveli u biznis planu, odnosno za aktivnosti za koje su podnijeli prijavu za dodjelu grant sredstava nisu koristili poticajna sredstva koja potiču iz Budžeta Kantona Sarajevo i/ili budžeta jedinica lokalnih samouprava, JU "Služba za zapošljavanje Kantona Sarajevo" Sarajevo, Federalnog zavoda za zapošljavanje ili donatorskih organizacija, odnosno da za traženi predmet poticanja nisu zaključili ugovore o dodjeli grant sredstava koja potiču iz navedenih izvora.
- Krajnji rok za zaključivanje ugovora sa poslovnim subjektom (korisnikom sredstava), koji je u 100% vlasništvu odabranog podnosioca prijave i koji Ministarstvu privrede KS dostavi prednje pomenutu dokumentaciju do dana 10.12.2023. godine, je 31.12.2023. godine.
- U skladu sa članom 8. stav st. (1) i (2) Pravilnika, Ministarstvo privrede Kantona Sarajevo u postupku po ovom Javnom pozivu ne snosi nikakve troškove učesnika Javnog poziva, te zadržava pravo da njihove prijave/projekte prihvati u cijelosti, djelimično ili da ih odbije, te da u bilo koje vrijeme prije zaključenja ugovora poništi Javni poziv ili da odbaci sve prijave/projekte. Također, ovo Ministarstvo ne snosi odgovornost prema učesnicima Javnog poziva, u pogledu aktivnosti koje su preduzeli u cilju apliciranja na ovaj Program.
- Shodno članu 8. stav (3) Pravilnika, dokumentacija dostavljena po Javnom pozivu ne vraća se podnosiocu prijave.

Način podnošenja prijava na protokol Kantona Sarajevo

Po ovom Javnom pozivu, a u skladu sa članom 7. Pravilnika o postupcima u provođenju Programa razvoja male privrede ("Službene novine Kantona Sarajevo", broj 20/21 i 25/23), podnošenje prijava po ovom Javnom pozivu se može izvršiti na način kako slijedi:

1. Na protokol Kantona Sarajevo;
2. Putem "Online platforme za registraciju i/ili podnošenje prijava po programskim linijama poticajnih mjera Ministarstva privrede Kantona Sarajevo <https://eprijave.mp.ks.gov.ba>" (u daljnjem tekstu: Online platforma).



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

1.1. Podnošenje prijave na protokol Kantona Sarajevo

Prijava koja se dostavlja na protokol Kantona Sarajevo mora sadržavati: Prijavni obrazac (Prilog 1), Biznis plan potpisan od strane podnosioca prijave, u originalu, sa minimalnim sadržajem propisanim u Prilogu 2 i izjavama sa sadržajem propisanim Prilogom 3 i Prilogom 4, zajedno sa ostalom potrebnom dokumentacijom za podnošenje prijave (CIPS prijava mjesta boravka i Uvjerenje JU "Službe za zapošljavanje KS", Sarajevo). Prijava se dostavlja u zatvorenoj koverti direktno na protokol Kantona Sarajevo ili preporučeno poštom. Na prednjoj strani koverta mora biti navedeno:

Naziv: **Kanton Sarajevo - Ministarstvo privrede**

Adresa: **Ulica Reisa Džemaludina Čauševića broj 1, 71000 Sarajevo**

Na koverti obavezno navesti:

Program: "Podrška mladima za pokretanje start up subjekata" - NE OTVARAJ"

Na poledini koverta obavezno se navodi: naziv podnosioca prijave, adresa i kontakt telefon

2.2. Podnošenje prijave putem Online platforme

Prijava koja se dostavlja putem Online platforme mora sadržavati sve dokumente navedene u poglavlju I - "Dokumentacija koju dostavljaju podnosioci prijave prilikom apliciranja na Javni poziv" ovog Javnog poziva. U skladu sa članom 13a. stav (6) Pravilnika o postupcima u provođenju Programa razvoja male privrede ("Službene novine Kantona Sarajevo", broj 20/21 i 25/23) (u daljnjem tekstu: Pravilnik), podnosioci prijave koji se na ovaj Javni poziv prijave putem Online platforme, a Preliminarnim prijedlogom korisnika poticajnih sredstava budu preliminarno odabrani kao korisnici ovih poticajnih sredstava, dužni su u roku od 8 dana od dana objave preliminarnog prijedloga, dostaviti, u printanoj formi, prijavu i potrebne priloge iz poglavlja I - "Dokumentacija koju dostavljaju podnosioci prijave prilikom apliciranja na Javni poziv", lično, ili preporučeno poštom, u zapečaćenoj koverti, na adresu Ministarstva, sa naznakom: "Ne otvarati – za provjeru autentičnosti dokumenata iz online prijave po Javnom pozivu za Program: "Podrška mladima za pokretanje start up subjekata". Na poledini koverta obavezno se navodi: naziv podnosioca prijave i kontakt telefon. Prijava i dokumentacija koju dostavljaju aplikanti za provjeru autentičnosti dokumenata iz online prijave mora biti u cijelosti istovjetna kao prijava i dokumentacija dostavljena putem Online platforme. Ukoliko budu postojala bilo kakva odstupanja prijave i dokumentacije za provjeru autentičnosti dokumenata iz online prijave od dokumentacije dostavljene putem online prijave, predmetna prijava bit će odbačena zbog formalne neispravnosti.

Komisija, u roku od 15 dana od dana zaprimanja prijave i dokumentacije za provjeru autentičnosti dokumenata iz online prijave na protokol Kantona Sarajevo, vrši provjeru autentičnosti prijave i dokumentacije, usporedbom prijave i dokumentacije dostavljene na protokol Kantona Sarajevo sa prijavom i dokumentacijom dostavljenom putem Online platforme, s tim da Komisija ne razmatra prijavu i dokumentaciju dostavljenu na protokol Kantona Sarajevo koja nije bila dostavljena putem Online platforme.

Ograničenje odgovornosti prema korisnicima Online platforme

Ministarstvo ne snosi odgovornost za privremenu ili trajnu nemogućnost podnošenja prijave putem Online platforme zbog nepravilnosti u radu Online platforme što za posljedicu može imati nemogućnost pristupa Online platformi.

U slučaju da nastupe naprijed navedene okolnosti prijave se vrše isključivo putem protokola Kantona Sarajevo ili preporučeno poštom, a Ministarstvo o ovim okolnostima sačinjava obavijest koju objavljuje na svojoj web stranici.

Rok za podnošenje prijave

Rok za dostavljanje prijave je 30 (trideset) dana od dana objave Obavještenja o ovom Javnom pozivu u "Službenim novinama Kantona Sarajevo", odnosno od 20.07.2023. godine. Obavještenje o ovom Javnom pozivu objavit će se i u dnevnom listu "AVAZ". Potpuni tekst Javnog poziva se može



preuzeti na službenoj web stranici Ministarstva privrede. Prijave primljene nakon isteka navedenog roka neće se razmatrati.

Napomena: Kontakt telefon za dodatne informacije po određenim pitanjima iz ovog Javnog poziva se mogu dobiti putem telefona: 033 562-158, svakim radnim danom od 12:00 do 15:00 sati.



Dostaviti:

1. Evidencija
2. a/a